



Progetto "EU FAÉDDHU GADDHURÉSU"
finanziatu da la L. 482/1999, artt. 9 e 15 e L.R. 22/2018 – annualitai 2021



Comuni di Lungòni

PRUÍNCIA DI SASSARI

VILBALI DI DILIBBARAZIONI DI LA 'JUNTA COMUNALI N° 36 di lu 31/03/2022

**UGGHJETTU: CIURRATA DI LU MARI E DI LA CULTURA MARINARA -LA DÍ 11 DI ABBRILI
DI LU 2022: ADISIONI A L'INIZIATIVA DA PALTÌ DI LU COMUNI DI LUNGÒNI
IN GALITAI DI ENTI CURADORI DI L'AREA MARINA PRUTETTA CAPO TESTA
– PUNTA FALCONE**

L'annu duimiliavintidui la dì trentunu di lu mesi di Malzu a mezudí, illa Sedi Comunali, dapoi di aé pultatu a cumprimentu li fulmalitai priscritti da la Legghji e da lu Statutu, s'è riunita suttu la prisidènzia di la Síndaca Nadia Matta la 'Junta Comunali. Palticipigghja a la riunioni e è ingarrigatu di scrí lu vilbali lu Segretàriu Comunali Dott.ssa Stefania Cinzia Giua.
Intilvenini li Signori:

N°	Cualifica	Nommu	Prisenti	Assenti
<u>1</u>	Síndaca	MATTA NADIA	X	
<u>2</u>	Vice Síndaco	MURA ANTONIO	X	
<u>3</u>	Assessori	COPPI SAMANTA	X	
<u>4</u>	Assessori	CAREDDU CATERINA SANDRA	X	
<u>5</u>	Assessori	SCOLAFURRU FABRIZIO		X
<u>6</u>	Assessori	AZARA DOMENICO	X	

Si dà attu chi l'Assessori Careddu Caterina Sandra palticipigghja a la prisenti riunioni in videocunfirènzia.

PRISENTI: 5 ASSENTI: 1

Lu Presidenti, ricunnotta ligali l'adunànzia dichjara abbalta la riunioni e invita la 'Junta Comunali a trattà l'algumentu in ughjettu:

LA 'JUNTA COMUNALI

PRIMISSU chi illu cuntestu di li iniziativa auniti a la "Ciurrata di lu Mari 2022", istituita da l'alticculu 52 di lu Decretu Legislativu di la dí 18 di agliola di lu 2015 n. 171 (Còdici di la Nautica da Ricreu" *"A lu fini di sviluppà la cultura di lu mari intesu comu risossa di mannu 'alori culturali, scientificu, ricriativu e economicu"*, è intindimentu di la Capitaneria di Poltu di La Maddalena, insembi a lu Comuni di Lungòni in galitai di Enti Curadori di l'Area Marina Protetta di Capo Testa – Punta Falcone, miscià li sculani di li Scóli pal valorizzà la senda storico-culturali e ambientali liatu a lu mari;

VISTU a lu rigaldu lu projektu di l'iniziativa prisintatu da la Capitaneria di Poltu di La Maddalena cun nota protocollu n. 4067 di lu 22/03/2022 chi intendi strutturà l'eventu in dui ciurrati

- in data 8 d'abbrili di lu 2022 incontru illu tiatru comunali Nelson Mandela, destinatu a la prisintazioni di la Gàldia Costiera, cali la ricalca e lu succorsu in mari, la tutela di la siguresa di la naicazioni, la difesa di l'ambienti di lu mari e di li costi, l'avvaloramentu di l'Area Marina Protetta di Capo Testa – Punta Falcone;
- in data 11 d'abbrili di lu 2022 cilibrizioni di la "Ciurrata di lu Mari" illa spiaggia di Capo Testa Rena di Ponente cun l'olganizzazioni di una chèrrita d'alga a lu fini di sensibilizzà li ciòani a li temi di l'ambienti e di l'incuinementu di lu mari e a sighí una 'isita ghidata a li Motovedetti di la Gàldia Costiera attraccati illu Poltu di Lungòni cun la finalitai di avvaloramentu di l'aspetti di la siguresa di naicazioni;

EVIDINZIATU chi l'iniziativa prupposta rappresenta un momentu di aggregazioni sociali, ancora unu strumentu di prummuzioni di li temi di l'ambienti di lu mari e di la sustinibilitai ambientali, e dunca rientra illi finalitai istituzionali di l'Enti;

RAVVISATA paltantu l'oppoltunitai di aderí a l'iniziativa da palti di lu Comuni di Lungòni in galitai di Enti Curadori di l'Area Marina Protetta Capo Testa – Punta Falcone garantendi lu relativu suppoltu logisticu;

APPUDARATI innantu a la prupposta di la presenti dilibbarazioni li pareri in oldini a la regolaritai tennica e contabbili, a li sensi di l'alt. 49 di lu TUEL;

VISTU lu D.lgs. di la dí 18 di austu di lu 2000 n. 267 e ss.mm.ii.;

VISTU lu D.lgs. n. 42/2004 e ss.mm.ii.;

VISTU lu Statutu comunali;

VISTI li dispusizioni di legghji in vigori;

Cun votazioni fauréli a l'unanimitai di li presenti

DILIBBARIGGHJA

Pal li muttii espressi in palti narrativa, chi chicci si richjamani in tuttu:

1. **DI ADERÍ** a l'iniziativa di cilibrazioni di la "Ciurrati di lu Mari" e di la Cultura Marinara - La dí 11 di abbrili di lu 2022" prumossa da la Capitaneria di Poltu di La Maddalena;
2. **DI DÀ ATTU** chi l'iniziativa doarà esse fatta tinendi contu di li legghji in vigori in materia di cuntinimentu di l'emelgènzia sanitària liata a la pandemia da COVID-19;
3. **DI INCUMANDÀ** lu Responsabbili di lu Sittori Gistioni di lu Tarratòriu Area Marina Protetta a la pridispuzioni di tutti l'eventuali atti amministrativi nizissari pal la rializzazioni di l'iniziativa;
4. **DI DICHJARÀ** lu presenti pruvvidimentu subitamente eseguibbili, a li sensi di l'altículu 134, comma 4, di lu d.lgs. n. 267/2000.

Lettu, cunfilmatu e sottuscrittu

La Síndaca
Nadia Matta

Lu Segretàriu Comunali
Dott.ssa Stefania Cinzia Giua
(attu sottuscrittu digitalmenti)